



Mateu 8



Morame asakoro tōmehse ropa ahtao juteu tō pytatoh toehse Kana po, Karirea rānao. Jezu ē moroto kynexine. Jezu roropa toahmase ipoetory tō maro toto ytotohme myaro.



Morame ynara tykase Jezu eny: — Aimo, pake eukuru nenahno, toto okuru, tykase ynoro tumūkuru a, eukuru tonahse exiryke. Mame tapyi esē poetory tomo a ynara tykase Jezu eny: — Mose omipona rokē ehtoko, umūkuru omipona, tykase ynoro eya xine.



Mame: — Moro aka arykako, tykase Jezu tuna poko, tapyi esē namoto tomo a. Tuna ē typehkase eya xine tuna ke. — Seromaroro eukuru anŷtoko, ekarotohme erēnatoh aporesemyry a, tykase Jezu eya xine. Mame eukuru taropose eya xine rahkene.

Uwa eukurume tanyhtanohpose eya tunāpo.



3

Moraramē eukuru tukupose aporesemy a. Tuaro pyra ynororo tuna risē poko, Jezu nyrihpyry poko. (Mokaro rokē tuaro, tonese tyā xine exiryke.) Morara exiryke aporesemy a erēnakety tykohmase tyā, orutua.




4

Ynara tykase ynororo eya: — Oty katoḥ sē ke yna anauhpara make apitoryme hro? tykase ynororo pytakety a. — Seromaroro rokē tokoh sero kurā ekamopitōko ma, tykase eya aporesemy.



5

Moro ke Ritonōpo jamitunuru tonepopitose Kana po, Karirea rānao. Moroto Ritonōpo mūkurume toexiry tonepopitose Jezu a. Moraramē ipoetry tomo a tonetupuhpitose.




6

Moraramē Jezu toytose ropa Peturu tapyi taka. Moroto Peturu merenoty tonese Jezu a kure pyra. Oxirohnōko kynexine, tohrame.



7

Mame tomary ke mokyro tapose Jezu a. Axī kynoxirohkehne ynororo. Mame kynowōne ropa tonahsē ritohme, Jezu napyry ritohme.




8

Mame kokonie pukuro kurākōkara tarose imehnomo a tuhke Jezu a, toto kurākatohme ropa. JorokoHPā kō roropa tarose eya xine. Kapanaū pōkō roropa tooehse tuhke imoihme. Tapi eutary pota taka tōximōse toto.



9

Mame kurākōkara tukurākase ropa eya, tuhke. Joroko tō tutūtanohpose roropa eya mokaro ae. Joroko a sekere kamexipoppyra kynexine ynororo: "Awaro ynanase," karyke eya xine.




10

Jezu temuhmary se toh tooehse, emero, toekurākapotohkōme eya, ijamitunuru enetuputyryke tyya xine. Mame toekurākase ropa toto. Enara.



11

Morame pakaihkapŷ tonehse imehnomo a Jezu a ikurākatohme ropa. Asakoropane kynexine enehnanomo.




12

Yrome omōsaromepyra toh kynexine ahno tuhke exiryke. Morame tapi mypatarānaka tōnuhse toto. Tapi typiapose eya xine Jezu etonie. Mame kurākara tonyhtose eya xine moro ae etueh maro Jezu myhtokoxi.




13

— Kurākatō mokyro, tykase toto tukurohtao xine. Mame toto kurohtao tonetuputyry waro Jezu kynexine. Mame ynara tykase ynororo kurākara a: — Aimo, oorypyry korokāko ase, tykase ynororo eya. — Tukurākase ropa mase. Owōko ropa. Oetuety aroko ropa atapyī taka, tykase ynororo eya.




14

Morarame Jezu tōtyrise kanawa aka, ipoetory tō roropa tōtyrise imaro. Mame okynā pyra tyryrykane konōto toehse itamurume, ikuhpo akuotyryhtao eya xine, poh tykase roropa itamurume kanawa pona. Yrome Jezu nyhnōko kynexine kanawa ao.



15

— Oty katoh oserehnōko matou? Jenetupuhpyra ro hmatou? tykase eya xine Jezu. Mame towōse ynororo. Ynara tykase tyryrykane a, pohkane a roropa: — Omynyhpāko, tyryry kara exiko, tykase. Mame axī tyryry kara toehse. Pohkara roropa toehse. Mynytyme konōto rokē toehse. Mame imarōkō tōsenuruhkase: — To! Imehxo mose nase.



16

Tyryrykane aomipona nymynyhpāno. Pohkane roropa nymynyhpāno aomi poe, tykase toto.

Ritonōpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme.

40

60

17

Romanos 3:23 Kymarokō emero tyryrypyhpyke. Osepune pyra sytatoše, Ritonōpo kure exiry maro.

Romanos 6:23 Ynara exiryke, kyryrypyrō epehpyryme orihnōko sytatoše. Yrome Ritonōpo nekarohpyry ke orihpyra sytatoše jūme. Jezu Kyrixtu Kuesēkō marōme exiko sytatoše, toorihse exiryke kymyakākōme.

Eperu 9:27 Toipe sytatoše. Emero porehme orihnōko sytatoše toiro. Moromeiפו kuapiakatorŷko Ritonōpo mana.

18

Epezu 2:8,9 Naeroro tamoreme opyno xine Ritonōpo toexiryke typynanohse matose. Okurākatorŷko roropa mana kure oexirykō pokoino pyra. Jezu enetuputyryke rokē oya xine okurākatorŷko mana. Topehke pyra, tynekarory kurā sā, Tumūkuru tonehpose aorihthohme, okurākatohkōme. Naeroro epyrypasaromepyra matose Ritonōpo poenōme oexirykō poko. Kure oexirykō pokoino pyra tukurākase matose Ritonōpo a.

Romanos 10:9,10 Jezu orihxīpo tōsemākaposē ropā Ritonōpo a. Moro enetuputyryhtao oya xine imehnō zurūko matose: “Jezu Jesēme mana,” āko matose imehnomo a. Morara awahtao xine opynanohtorŷko Ritonōpo mana. Ynara exiryke, kukurohtao xine enetuputyryhtao kyya xine kukurākatorŷko Ritonōpo mana. “Zae mase ya,” āko mana kyya xine. “Jezu Jesēme mana,” karyhtao kyya xine kypynanohtorŷko Ritonōpo mana.

19

João 3:16,17 Ritonōpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme. Sero pōkō pynanohse Tumūkuru tonehpose Ritonōpo a, toto onuānohpyra aehtohme.

1 João 5:11-13 Ynara Ritonōpo nekarohpyry sero. Orihpyra kyritorŷko Ritonōpo mana Tumūkuru enetuputyryke kyya xine. Ritonōpo mūkuru maro exiketō orihpyra mā toto. Yrome Ritonōpo mūkuru maro pyra exiketō orihketōme toto. Onenerykōme pape merōko ase orihpŷme oehtohkō waro oehtohkōme, Jezu Ritonōpo mūkuru enetuputyryke oya xine.

20

Mateu 8-9; Maku 1-2, 4; Ruka 4, 8; João 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Apalaí Bible (apy) ©2017, Wycliffe Bible
Translators, Inc.

<https://live.bible.is/bible/ENAPBT/JUD/1>

©2024 Bible for Children, Inc.

www.M1914.org www.bibleforchildren.org